

Қазақстан Республикасы Әділет министрінің кейбір бұйрықтарына тергеу изоляторлары қызметінің мәселелері бойынша өзгерістер мен толықтырулар енгізу туралы

Қазақстан Республикасы Әділет министрінің 2006 жылғы 9 маусымдағы N 175 Бұйрығы. Қазақстан Республикасының Әділет министрлігінде 2006 жылғы 20 маусымда тіркелді. Тіркеу N 4262.

"Әділет органдары туралы" Қазақстан Республикасы Заңының 13-бабының 1-тармағын басшылыққа алып, **БҰЙЫРАМЫН:**

1. "Қазақстан Республикасы Әділет министрлігі Қылмыстық-атқару жүйесі комитеті тергеу изоляторларының арнайы есеп бөлімдерінің жұмысы туралы нұсқаулықты бекіту туралы" Қазақстан Республикасы Әділет министрінің міндетін атқарушының 2004 жылғы 9 шілдедегі N 210 бұйрығына (Нормативтік құқықтық актілердің мемлекеттік тізілімінде N 2973 болып тіркелген) мынадай өзгерістер мен толықтырулар енгізілсін:

көрсетілген бұйрықпен бекітілген Қазақстан Республикасы Әділет министрлігінің Қылмыстық-атқару жүйесі комитеті тергеу изоляторларының арнайы есеп бөлімдерінің жұмысы туралы нұсқаулықта (бұдан әрі - Нұсқаулық):

2-тармақтың 14) тармақшасы алынып тасталсын;

19-тармақтың үшінші абзацы мынадай редакцияда жазылсын:

"Транзитпен жөнелтілетін адамдардың жеке істері ашылмайды. Транзитпен жөнелтілетін адамдардың жеке тінту хаттамалары жеке іске қосылмайды, ол жеке іске тігіледі және арнайы есепке алу бөлімінде сақталады. Ерекше жағдайларда (мысалы, медициналық көрсеткіштер бойынша) транзитпен жөнелтілетін адамдардың жеке істері бар пакеттер тергеу изоляторларының бастығы бекіткен жауапты қызметкердің баянаты негізінде ашылады".

23-тармақтың 6) тармақшасы мынадай редакцияда жазылсын:

"6) шаруашылық қызмет көрсету жұмыстарын орындау үшін қалдырылған сотталғандарға арналған орындау парақтарын қолхат арқылы ТИ-дың қаржы бөліміне жібереді, ал басқа жағдайларда, сотталғанның бас бостандығынан айыру орындарына кетуі кезінде сотталғанның жеке ісіне қоса тіркейді";

42-тармақтың 4) тармақшасы мынадай редакциядағы сөйлеммен толықтырылсын:

"Есепке алу карточкаларын сақтау мерзімін Нормативтік құқықтық актілердің мемлекеттік тізілімінде N 2843 болып тіркелген Қазақстан Республикасы Бас

Прокурорының 2004 жылғы 29 сәуірдегі N 23 бұйрығымен бекітілген "Арнайы есепке алудың жекелеген түрлерін жүргізу мен пайдаланудың қағидасына" N 10 қосымшаға сәйкес есептеуі тиіс".

87-тармақта екінші сөйлем мынадай редакцияда жазылсын:

"Босатылғаннан кейін бір тәулік ішінде арнайы есепке алу бөлімі сотталғанның тұрғылықты жері бойынша ҚАЖ комитетінің басқармасына сотталғанның жеке ісіне қоса тіркеп, хат жібереді (32-қосымша);";

Нұсқаулық мынадай мазмұндағы 15-тараумен толықтырылсын:

"15-тарау. Өлім жазасына немесе өмір бойы бас бостандығынан айыруға сотталғандарға құжат рәсімдеу

111. Өлім жазасына сотталғандардың жеке істерін тергеу изоляторының бастығы сақтайды, ол өзі осы адамдарға қатысты кіріс және шығыс хат-хабарының есебін жүргізеді, сондай-ақ оларға тиісті сатыларға кешірім жасау туралы шағым, өтініш беру тәртібі мен мерзімдерін түсіндіреді. Осы мақсатпен тергеу изоляторының бастығы:

1) келген сотталғанның жеке ісін және барлық басқа құжаттарын кезекшіден алады, ол туралы келген адамдарды есепке алудың тәуліктік ведомосына жазады;

2) тергеу изоляторында ұсталатын айыпталушыны өлім жазасына на соттау туралы сот үкімі шығарылған жағдайда, арнайы есепке алу бөлімінде жеке ісін алады және өзінде сақтайды;

3) соттан үкімнің көшірмесі түскеннен кейін арнайы есепке алу бөлімінің бастығымен бірге сотталғанға қолхат бойынша үкімнің көшірмесін тапсырады және апелляциялық шағым беру тәртібін түсіндіреді. Өлім жазасына сотталғанның үкім көшірмесін алған жөнінде қолхатты сотқа жібереді, ал ілеспе құжаттың көшірмесін сотталғанның жеке ісіне тіркейді;

4) бірінші сатының шығарған сот үкімін алған соң 5 жұмыс күні ішінде Қазақстан Республикасы Бас Прокуратурасы Құқықтық статистика және арнайы есепке алу комитетінің аймақтық мекемесіне сотталған жөнінде мәлімет жіберуге арнайы есепке алу бөлімінің бастығына нұсқау береді;

5) бір тәулікке жеткізбей, сотталғаннан түскен апелляциялық шағымды сотқа жіберуді қамтамасыз етеді.

112. Үкімнің заңды не апелляциялық қаулының күшіне енгені туралы соттың хабарламасы түскен күні, бірақ келесі жұмыс күнінен кешіктірмей, тергеу изоляторының бастығы сотталғанға үкімнің заңды күшіне енгені жөнінде хабарлайды. Қосымша бұл туралы хабарлама апелляциялық қаулыны алғаннан кейін 5 жұмыс күні ішінде ҚСАЕК аумақтық органдарына жібереді.

Өлім жазасына сотталғандарға тергеу изоляторының бастығы Қазақстан Республикасы Президентінің атына кешірім жасау туралы өтініш беру құқығын, оның мерзімі мен тәртібін, сондай-ақ өтініш дайындауда заңды көмек алу құқығын түсіндіреді.

Өлім жазасын орындауға мораторий енгізген жағдайда, өлім жазасына сотталған мораторий тоқтатылған соң бір жыл ішінде, ол мораторий жарияланғанға дейін немесе мораторий уақытында өтініш берген немесе бермегеніне қарамастан, кешірім жасау туралы өтініш беруіне құқығы бар.

113. Тергеу изоляторы бастығының қолымен куәландырылған және мекеменің елтаңбалы мөрімен бекітілген кешірім жасау туралы өтінішті (33-қосымша) мекеме басшылығының қабылдағанынан үш күннен асырмай Қазақстан Республикасы Президентінің Әкімшілігіне жолдайды.

114. Егер өлім жазасына сотталған аталған мерзім ішінде кешірім жасау туралы өтініш бермесе немесе ондай өтініш беруден бас тартатынын білдірсе, өлім жазасына сотталған ұсталатын мекеме басшылығы осыған байланысты акті жасайды (34-қосымша).

Үкімнің заңды күшіне енгеніне бір жыл өткеннен кейін немесе өлім жазасын орындауға мораторийдің тоқтатылуына бір жыл өткеннен кейін мекеме бастығы немесе оның міндетін атқаратын адам, заңдылықтың орындалуын қадағалайтын прокурор және мекеме дәрігерінің қатысуымен үш данада акті жасайды, онда өтініш бермейтіні туралы немесе мерзімінің өту себептері көрсетіледі.

Мекеме бастығының, прокурордың және дәрігердің қолдары қойылған актіге сотталған қол қояды, егер ол қол қоюдан бас тартса, бұл туралы актіде, қол қоятын адамдардың куәландыруымен арнайы белгі соғылады. Мекеменің елтаңбалы мөрімен бекітілген актінің, оның толтыруына 3 күннен кешіктірілмей 1 данасы сотталғанның тәртібі мінезделетін мәліметтерімен бірге Қазақстан Республикасы Президентінің Әкімшілігіне жолданады.

115. Кешірім жасау туралы өтініштің не бас тарту туралы актінің және мінездеменің екінші даналары өлім жазасына сотталғанның жеке ісіне тігіледі. Кешірім жасау туралы өтініштің не бас тарту туралы актінің үшінші данасы қылмыстық істің материалдарына тіркеу үшін үкім шығарған сотқа жіберіледі.

116. Сотталғанға өлім жазасы түріндегі жазаны (рақымшылық жасау тәртібімен немесе апелляциялық не қадағалау сатысы) бас бостандығынан айырумен ауыстырған жағдайда мекеме бастығы міндетті түрде бұл туралы сотталғанға жариялайды және үкім шығарған сот пен жазаны орындау заңдылығын қадағалау жөніндегі прокурорға хабарлайды. Сотталған түзеу мекемесіне жіберілгенге дейін өлім жазасына сотталғандарды ұстауға арналған камерадан кез келген кішігірім камераға ауыстырылады.

117. Өлім жазасына сотталғанға мекеме бастығы үкім заңды күшіне енгеннен кейін өсиет қалдыруға немесе мүліктік сипаттағы өзге де иеліктерге құқығын түсіндіреді.

118. Өсиет қалдыру, сенім хат толтыру адвокаттың қатысуымен сотталған ұсталып жатқан мекемеде толтырылады және мекеме бастығымен куәландырылады. Мекеме

бастығы аталған құжаттардың толтырылуы және көрсетілген адресаттарға жіберілуі туралы анықтама әзірлейді және сотталғанның жеке ісіне тіркейді.

119. Өлім жазасына сотталғандардың үкімдерін орындау Қазақстан Республикасы Әділет министрлігі белгілеген орындарда жүргізіледі.

120. ҚАЖ комитетінің (өлім жазасына сотталған ұсталып жатқан мекеме карамағындағы) аумақтық басқармасы бастығы алған үкім шығарған соттың елтаңбалы мөрімен куәландырылған орындау туралы ұйғарымы өлім жазасы туралы үкімді орындауға негіздеме болып табылады, оған мынадай құжаттар тіркелуі тиіс:

1) соттың өлім жазасы түріндегі жаза тағайындау туралы үкімі;

2) Қазақстан Республикасы Президентінің өлім жазасына сотталғанға кешірім жасау туралы ұсынымды қанағаттандырудан бас тарту немесе рақымшылық жасау актісін қолданбау туралы Жарлығы;

3) Қазақстан Республикасы Бас Прокурорының қадағалау тәртібімен сот үкіміне наразылық білдіруге негіздемелердің жоқтығы туралы қорытындысы;

4) Қазақстан Республикасы Жоғарғы Соты Төрағасының қадағалау тәртібімен істі қарауға негіздемелердің жоқтығы туралы қорытындысы.

121. Осы Нұсқаулықтың 120-тармағында аталған соттан алынған құжаттарды, сондай-ақ сотталғанның жеке басын куәландыратын құжатты ҚАЖ комитетінің аумақтық басқармасының бастығы ҚР ӘДМ ҚАЖ комитетінің төрағасына "Өз қолына" деген белгісі бар арнаулы құпия пакетпен жібереді.

122. Карамағында өлім жазасына сотталған ұсталатын мекеме бар ҚАЖ комитеті аумақтық басқармасының бастығы ҚАЖ комитетіне шифрлы жеделхатпен өлім жазасына сотталғанға ерекше қарауыл беруге өтінім жібереді. Қазақстан Республикасы ПМ Ішкі әскер комитеті ерекше қарауыл тағайындаған соң, ҚАЖ комитеті аумақтық басқармасының бастығы мекеме бастығына өлім жазасына сотталғанды бекітілген тергеу изоляторында одан әрі ұстау үшін айдауылдауға нұсқау береді.

123. Өлім жазасына сотталғанды айдауылдауға нұсқау алғаннан кейін мекеме бастығы:

1) оның баратын орнын хабарламай, сотталғанға басқа мекемеге одан әрі ұстау үшін ауыстырылатынын жариялайды;

2) оны ерекше қарауылмен баратын жеріне жіберілуін қамтамасыз етеді;

3) айдауыл жөніндегі барлық құжаттарында, соның ішінде жеке ісі бойынша анықтаманың 6-тармағында "одан әрі ұстау үшін" деп көрсетеді;

4) N 1 нысандағы есепке алу карточкасында "Үкім бойынша жөнелтілді. Анықтаманы мекеме бастығы береді" деп белгілейді;

5) кездесу және сәлем-сауқат бөлімдерінен анықтама карточкасын, сондай-ақ камералық карточкасы мен дәрігерлік-санитарлық картасын алып, оларды сотталғанның жеке ісіне тіркейді;

б) сотталғанның жеке ісіне оның қамауда ұсталу кезінде мекемеге жүгінген зайыбының, жақын туыстарының бар-жоғы туралы жазбаларға салыстыру жүргізеді.

124. Өлім жазасына сотталғанды бекітілген тергеу изоляторына жіберер алдында және жіберу кезінде, кешірім жасау туралы өтінішті қанағаттандырмау немесе рақымшылық жасау актісін қолданбау, оның ісі бойынша үкімді орындау ұйғарымының болуы туралы хабарлауға тыйым салынады. Туыстарына және өзге де адамдарға өлім жазасына сотталғанның жөнелтілген орны туралы хабарланбайды.

125. Өлім жазасына сотталған үкім орындалғанға дейін өлген жағдайда мекеме басшылығы сотталғанның өлімі жөнінде міндетті түрде үкім шығарған сотқа, апелляциялық сотқа (егер сотталған апелляция берсе) және Қазақстан Республикасы Президентінің Әкімшілігіне (егер онда сотталғанның материалдары қарауда болса) жеделхатпен хабарлайды.

Осындай тәртіппен сотталғанға қатысты басқа да өзгерістер туралы (оның жаңа қылмыс жасағаны, қашып кетуі және тағы да басқа) хабарланады. Сотталғанның өлімі заңнамада белгіленген тәртіппен тіркеледі.

126. Өлім жазасына сотталған үкім орындалғанға дейін өлгені туралы туысқандарына адам өлімі жөнінде хабар қағаз жібереді, сонымен бір мезгілде қайтыс болған адамның денесін беру жөніндегі мәселе шешіледі.

127. Үкімі іске асырылған өлім жазасына сотталғанның қайтыс болуын тіркеу мынадай тәртіппен жүргізіледі:

үкімді орындаған мекеменің әкімшілігі:

1) сотталғанның жеке басын куәландыратын қоса берілген құжаттарымен бірге қамауда ұстау орынында қайтыс болған адамның өлгені туралы (35-қосымша) хабарламаны өлім жазасы туралы үкім шығарған сот орналасқан аудандық (қалалық) әділет басқармасына жібереді.

Аудандық (қалалық) әділет басқармасына жіберілетін хабарламада "Өлім орыны" деген жолда өлім жазасы туралы үкім шығарған соттың орналасқан жерін көрсетеді. "Өлім фактісін растайтын құжаттар" деген жолда - қай соттың соттағаны, үкім шығарған уақытын көрсетеді, өлу себебін көрсетпейді;

2) үкім шығарған сотқа үш күндік мерзімде оның орындалғаны туралы өлім жазасына сотталғанның өлімін тіркеген аудандық (қалалық) әділет басқармасын көрсетіп, хабар жібереді (36-қосымша);

3) үкім орындалған жердің ҚСАЕК аймақтық бөліміне сотталған жөнінде хабарламаның (37-қосымша) 2 данасын, соңғысының өлім жазасына үкім шығарылған жердің ҚСАЕК аймақтық бөліміне және ҚСАЕК орталық органына "үкім бойынша жөнелтілді" деген белгісімен үкімнің орындалу фактісін көрсете отырып, бөлек хатпен жібереді;

4) өлім жазасының орындалғаны туралы (38-қосымша) және өлімі туралы куәлікті қай жерден алатын хабарламаны зайыбына немесе сотталғанның жақын туыстарының біріне жібереді.

128. Үкім орындалған өлім жазасына сотталғанның мәйітін жерлеген жері туралы ақпарат беру жөніндегі барлық өтініштер мәні бойынша жауап қайтару үшін ҚАЖ комитетіне жіберіледі. Үкім орындалған өлім жазасына сотталғанның мәйітін жерлеген жері жөнінде мәлімет жерленгеннен кейін екі жыл өткен соң туыстарына хабарланады, одан бұрын ақпарат сұрағандарға, бұл мәселе бойынша жерленгеннен кейін екі жыл өткен соң өтініш беру қажеттілігі туралы хабарлайды.

Үкім орындалған өлім жазасына сотталғанның зайыбына, туыстарына және өзге де адамдарға үкім орындалған жерді жария етуге тыйым салынады.

129. Тергеу изоляторының әкімшілігі, әділет органдары және прокуратура үкім орындалған өлім жазасына сотталғанның туыстарына және өзге де адамдарға өзгелей ауызша және жазбаша анықтамалар бермейді.

Үкім орындалған өлім жазасына сотталғанның өлімі туралы куәлік алу туралы өтініш қайта келсе, өтініш берушілерге үкім шығарған сотқа жүгінгені жөн екені хабарланады".

33-қосымша осы бұйрыққа 1-қосымшаға сәйкес жаңа редакцияда жазылсын;
осы бұйрыққа 2-7-қосымшаларға сәйкес 34-39-қосымшалармен толықтырылсын.

2. Күші жойылды - ҚР Ішкі істер министрінің 2012.03.29 № 182 (алғаш ресми жарияланған күнінен бастап күнтізбелік он күн өткен соң қолданысқа енгізіледі) Бұйрығымен.

3. Күші жойылды - ҚР Ішкі істер министрінің 2012.03.29 № 182 (алғаш ресми жарияланған күнінен бастап күнтізбелік он күн өткен соң қолданысқа енгізіледі) Бұйрығымен.

4. Қазақстан Республикасы Әділет министрлігі Қылмыстық-атқару жүйесі комитетінің және Комитеттің аумақтық бөлімшелерінің жеке құрамы өз қызметінде осы бұйрықты басшылыққа алсын.

5. Осы бұйрықтың орындалуын бақылау Қазақстан Республикасы Әділет министрлігі Қылмыстық-атқару жүйесі комитетінің Төрағасына жүктелсін.

6. Осы бұйрық оның мемлекеттік тіркелген күнінен бастап қолданысқа енгізіледі.

Министр

КЕЛІСІЛДІ

Қазақстан Республикасы

Бас Прокурорының бірінші орынбасары

2-дәрежелі мемлекеттік әділет кеңесшісі

2006 жылғы 8 маусым

КЕЛІСІЛДІ

Қазақстан Республикасы

Жоғары сотының Төрағасы

Қазақстан Республикасы
Әділет министрінің 2006 жылғы
9 маусымдағы N 175 бұйрығына
1-қосымша
ҚР ӘДМ 2004 жылғы 9 шілдедегі
N 210 бұйрығымен бекітілген,
Қазақстан Республикасы
Әділет министрлігінің
Қылмыстық-атқару жүйесі
комитеті тергеу
изоляцияларының арнайы
есеп бөлімдерінің жұмысы
туралы нұсқаулыққа
33-қосымша

Қамауда ұстау орнында қайтыс болған адамның өлімі туралы
хабарлама

_____ облысы (қ-сы) Әділет департаментінің АХАЖ бөлімінің бастығына
Сотталғанның өлімін тіркеуіңізді өтінемін:

1. Тегі _____ 2. Аты _____ 3. Әкесінің аты _____

4. Жынысы _____

5. Ұлты _____

6. Өлген уақыты _____

(үкімнің орындалу күні көрсетіледі)

7. Өлген жері _____

(үкім шығарған соттың тұрған орны көрсетіледі)

_____ (республика, облыс, аудан, қала (мекен))

8. Туған жылы 19 ____ жылғы " ____ " _____.

9. Туған жері _____

(республика, өлке, облыс, аудан, қала (мекен))

10. Жасы: _____ жасқа толды.

11. Қамауға дейінгі тұрақты тұрған жері _____

(республика, өлке, облыс, аудан,

қала (мекен) көше, үй, пәтер)

қамауға дейін _____ жылдан бастап тұрақты тұрған жері.

12. Отбасы жағдайы (астын сызу керек): некеде тұрған, ешқашан некеде
тұрмаған, жалғызбасты, ажырасқан.

13. Қамауға алынғанға дейін қайда және кім болып жұмыс істеген

_____ 14. Білімі (астын сызу керек): жоғары, аяқталмаған жоғары, арнайы
орта, жалпы орта, толық емес орта, бастауыш және төмен

15. Өлгенін растайтын құжаттар _____

(қай соттың соттағаны және үкім шығарылған күн көрсетіледі)

16. _____ мекен жайы бойынша үкім шығарған сотқа өлімі туралы акт жазбасының күнін және нөмірін хабарлауды өтінемін.

Бастық _____ Мөр _____

(мекеме атауы) қолы

Қазақстан Республикасы

Әділет министрінің 2006 жылғы

9 маусымдағы N 175 бұйрығына

2-қосымша

ҚР ӘдМ 2004 жылғы 9 шілдедегі

N 210 бұйрығымен бекітілген,

Қазақстан Республикасы

Әділет министрлігінің

Қылмыстық-атқару жүйесі

комитеті тергеу

изоляцияларының арнайы

есеп бөлімдерінің жұмысы

туралы нұсқаулыққа

34-қосымша

үлгі

Қазақстан Республикасы Президенті Әкімшілігінің

Құқық қорғау және сот жүйесі мәселелері жөніндегі бөлімі

Астана қаласы

көшірмесі: Алматы қаласы Алматы қалалық соты

Акті

200 __ жылғы " __ " _____ қ-сы

Біз, төменде қол қоюшылар, Маңғыстау облысы бойынша ҚАЖКБ МЛ-112/6 мекемесінің бастығы әділет полковнигі І.И. Ахметов, Маңғыстау облысы (қаласы) прокуратурасының бас бостандығынан айыру орындарындағы заңдылықтың сақталуын қадағалау жөніндегі прокуроры әділет аға кеңесшісі И.А. Смирнов, мекеме дәрігері Е.У. Қалибековтің қатысуымен, 200 __ жылғы " __ " _____ ҚР ҚК-нің 96-бабы 2-бөлімінің " б" тармағы бойынша облыстық сот өлім жазасы - атуға соттаған 1955 жылы туған Иван Николаевич Сидоровқа мекеме бастығы 200 __ жылғы " __ " _____ Қазақстан Республикасы Жоғарғы Сотының үкім заңды күшіне енгені туралы анықтамасын жариялаған. Сонымен бір мезгілде И.Н. Сидоровқа үкім заңды күшіне енгеннен кейін бір жыл ішінде, яғни __ жылғы __ маусымдағы 24 сағатты қоса алғанға дейін, өлім жазасына мораторий енгізілген жағдайда - мораторидің күші жойылғаннан кейін, ол

мораторий жариялағанға дейін не оның қолданылу уақытында қолдау хат бергеніне немесе бермегеніне қарамастан, кешірім жасау туралы қолдау хат беруге оның құқығы бар екені түсіндірілген. Мұндай қолдау хат беру тәртібі мен қолдау хат әзірлеуде заңгерлік көмек алу құқығы да түсіндірілген.

Көрсетілген мезгілде И.Н. Сидоров кешірім жасау туралы қолдау хат берген жоқ.

Бүгін, 200 __ жылғы " __ " _____, жоғарыда аталған адамдардың қатысуымен, И.Н. Сидоровқа қолдау хат беру мерзімінің өткені туралы хабарланды. Сотталған И.Н. Сидоров себебін айтпай (немесе актіде айтылған себебін көрсету керек), кешірім жасау туралы қолдау хат беруден бас тартатынын мәлімдеген.

Бұл туралы осы акті жасалды.

Акті жасаған адамдардың қолы _____

Осы акті маған жарияланды _____ (сотталғанның қолы)

Ескерту: Қол қоюдан бас тартқан жағдайда, акті жасаған адамдар куәландырған белгі соғылады. Акті мекеменің елтаңбалы мөрімен бекітіледі.

Қазақстан Республикасы
Әділет министрінің 2006 жылғы
9 маусымдағы N 175 бұйрығына
3-қосымша
ҚР ӘДМ 2004 жылғы 9 шілдедегі
N 210 бұйрығымен бекітілген,
Қазақстан Республикасы
Әділет министрлігінің
Қылмыстық-атқару жүйесі
комитеті тергеу
изоляцияларының арнайы
есеп бөлімдерінің жұмысы
туралы нұсқаулыққа
35-қосымша

үлгі

Қазақстан Республикасы Президенті Әкімшілігінің

Құқық қорғау және сот жүйесі мәселелері жөніндегі бөлімі

Астана қаласы

көшірмесі: Алматы қаласы Алматы қалалық соты

ҚР ҚК-нің _____ баптары бойынша Алматы қалалық соты 200 __ жылғы " __ " _____ өлім жазасына соттаған 19 __ жылғы " __ " _____ туған _____ кешірім жасау туралы қолдау хатын жіберіп отырмыз, Қазақстан Республикасы Жоғарғы Сотының қылмыстық істер жөніндегі алқасының 200 __ жылғы " __ " _____ қаулысымен үкім өзгеріссіз қалдырылған. Мекемеде 200 __ жылғы " __ " _____ бастап ұсталған кезең ішінде ұсату режимін бұзған (бұзбаған), __ рет карцерге қамалған.

Қосымша: 1. __ парақта кешірім жасау туралы қолдау хаты.

2. __ парақта сотталғанның жеке ісі бойынша сауалнамалық деректері.

Алматы қаласы және

Алматы облысы бойынша ҚАЖКБ

ЛА-155/1 мекемесінің бастығы _____

(қолы)

Қазақстан Республикасы
Әділет министрінің 2006 жылғы
9 маусымдағы N 175 бұйрығына
4-қосымша
ҚР ӘдМ 2004 жылғы 9 шілдедегі
N 210 бұйрығымен бекітілген,
Қазақстан Республикасы
Әділет министрлігінің
Қылмыстық-атқару жүйесі
комитеті тергеу
изоляцияларының арнайы
есеп бөлімдерінің жұмысы
туралы нұсқаулыққа
36-қосымша

үлгі

_____ СОТЫНЫҢ

(соттың атауы)

төрағасына

_____ Қ-СЫ

**Өлім жазасына сотталғанға
үкімнің орындалуы туралы**

Қашан қай сот және ҚР ҚК-нің қандай бабы бойынша соттаған, үкім қай сот органының өкімі бойынша және қашан орындалған (осы хабарламада үкімнің орындалу орны көрсетілмейді).

Сотталған (аты-жөні) өлімін тіркеу _____ АХАЖ бөлімінде
(АХАЖ органының атауы)

жүргізілді.

Бастық _____

(мекеменің атауы) (қолы)

Қазақстан Республикасы
Әділет министрінің 2006 жылғы
9 маусымдағы N 175 бұйрығына
5-қосымша
ҚР ӘдМ 2004 жылғы 9 шілдедегі
N 210 бұйрығымен бекітілген,
Қазақстан Республикасы
Әділет министрлігінің
Қылмыстық-атқару жүйесі
комитеті тергеу
изоляцияларының арнайы
есеп бөлімдерінің жұмысы
туралы нұсқаулыққа
37-қосымша

Салыстырылған және фамилиялық картотекада

_____ белгіленді

N _____ жеке ісі

Сотталған (қамауға алынған) туралы хабарлама

1. Тегі _____

2. Аты _____

3. Әкесінің аты _____

4. 19 __ жылы " __ " _____ туған

5. Туған жері _____

(облыс, қала, аудан, елді мекен)

6. Қылмыстық жауапкершілікке тартылмай тұрғанға дейінгі мекен жайы

7. 200 __ жылғы " __ " _____ қамауға алынды.

8. 200 __ жылғы " __ " _____ сотталды.

(соттың атауы)

_____ Қылмыстық кодексі _____ бабы
(республикасы)

мерзімі _____ жыл _____ ай

_____ (негізгі және қосымша жазалау шаралары)

_____ (қашан, қандай сотпен аса қауіпті қайталап қылмыс жасаушы деп танылды)

9. Үкім 200 __ жылғы " __ " _____ заң күшіне енді.

10. Үкім 200 __ жылғы " __ " _____ өзгертілді.

(қаулы және сот атауы)

200 __ жылғы " __ " _____

(қаулының мазмұны)

_____ (келесі беті)

11. Келді, кетті

200 __ жылғы " __ " _____

(мекеменің шартты атауы)

_____ және оның орналасқан жері, облыс)

12. Босатылды

200 __ жылғы " __ " _____

(негіздеме, кіммен және қашан қабылданды)

және оның мазмұны шартты түрде және шартты түрде мерзімінен бұрын босатылуы - өтелмеген мерзімі)

13. Босатылуы бойынша кеткендері

(таңдап алған тұрғылықты жері)

14. Белгілеу бойынша бас бостандығынан айрылған жеріне қайтарылды

(сот атауы және қаулының шығарылған күні, қандай мерзімде және есептеудің басталуы)

15. 200 ___ жылғы " ___ " _____ қайтыс болды

Өлгені туралы хабарлама _____ жіберілді.

(АХАЖ органының атауы және күні)

16. Хабарламаны әзірлеген

(мекеменің шартты атауы және оның орналасқан жері)

(елді мекен, облыс)

Орындаушы _____

(қолы, аты-жөні)

Бастық _____

(қолы, аты-жөні)

200 ___ жылғы " ___ " _____

Ескерту: 1-6, 16-тармақтар барлық жағдайларда, 8-тармақ сотталғандарға ғана, қалғандары - хабарламаны әзірлеу мақсатына қарай (босатылуы, бас бостандығынан айыру орнына қайтарылуы және сол сияқты) толтырылады (өлшемі 150x210).

Қазақстан Республикасы
Әділет министрінің 2006 жылғы
9 маусымдағы N 175 бұйрығына
6-қосымша
ҚР ӘдМ 2004 жылғы 9 шілдедегі
N 210 бұйрығымен бекітілген,
Қазақстан Республикасы
Әділет министрлігінің
Қылмыстық-атқару жүйесі
комитеті тергеу
изоляцияларының арнайы
есеп бөлімдерінің жұмысы
туралы нұсқаулыққа
38-қосымша

_____ мекен-жайында тұратын

азамат _____

Сізді ӨЖ сотталған (тегі, аты, әкесінің аты) (бұдан әрі:, туған жылы және туған жері, қашан, қай сот, ҚР ҚК қандай бабымен сотталған, қай сот органының

ұйғарымымен және үкім қашан орындалғаны, күні, айы жылы көрсетіледі) ісі бойынша үкімнің орындалғаны жөнінде хабардар етеміз.

Сотталған _____ -ң өлімін тіркеу _____ облысы Әділет департаментінің АХАЖ бөлімінде жүргізілді.

Үкімді орындау пунктінің әкімшілігі
Қазақстан Республикасы
Әділет министрінің 2006 жылғы
9 маусымдағы N 175 бұйрығына
7-қосымша
ҚР ӘдМ 2004 жылғы 9 шілдедегі
N 210 бұйрығымен бекітілген,
Қазақстан Республикасы
Әділет министрлігінің
Қылмыстық-атқару жүйесі
комитеті тергеу
изоляцияларының арнайы
есеп бөлімдерінің жұмысы
туралы нұсқаулыққа
39-қосымша

_____ ҚАЖКБ N _____

(облыс атауы)

тергеу изоляторының бастығына

Адамның қылмыстық іс бойынша қорғаушы ретінде қатысуын

РАСТАУ

ҚР ҚК ___ бабымен көзделген қылмыс жасағаны үшін жазаға тартылған, 19 ___
жылғы " __ " _____ туған

_____ қатысты

(қамауда ұсталушы адамның тегі, аты, әкесінің аты)

азамат _____

(тегі, аты, әкесінің аты) (адвокат, кәсіподақ (қоғамдық
бірлестік) өкілі, өзге тұлға)

және _____ іс жүргізуіндегі N ___ қылмыстық іс

(қылмыстық процесс жүргізуші

орган атауы)

бойынша қорғаушы болып табылатынын хабарлаймыз.

Растау _____ жарамды.

(тергеудің барлық кезеңіне, белгілі бір күнге дейін)

_____ ҚОЛЫ _____

(қылмыстық іс іс жүргізуінде болатын адамның

лауазымы, аты-жөні)

" __ " _____

КЕЛІСЕМІН

_____ ҚОЛЫ _____

(қылмыстық іс іс жүргізуінде болатын орган
басшысының лауазымы, аты-жөні)

" _____"
М.О.

Қазақстан Республикасы
Әділет министрінің 2006 жылғы
9 маусымдағы N 175 бұйрығына
8-қосымша

Ескерту. Күші жойылды - ҚР Ішкі істер министрінің 2012.03.29 № 182 (алғаш ресми жарияланған күнінен бастап күнтізбелік он күн өткен соң қолданысқа енгізіледі) Бұйрығымен.

Қазақстан Республикасы
Әділет министрінің 2006 жылғы
9 маусымдағы N 175 бұйрығына
9-қосымша

Ескерту. Күші жойылды - ҚР Ішкі істер министрінің 2012.03.29 № 182 (алғаш ресми жарияланған күнінен бастап күнтізбелік он күн өткен соң қолданысқа енгізіледі) Бұйрығымен.

Қазақстан Республикасы
Әділет министрінің 2006 жылғы
9 маусымдағы N 175 бұйрығына
10-қосымша

Ескерту. Күші жойылды - ҚР Ішкі істер министрінің 2012.03.29 № 182 (алғаш ресми жарияланған күнінен бастап күнтізбелік он күн өткен соң қолданысқа енгізіледі) Бұйрығымен.

Қазақстан Республикасы
Әділет министрінің 2006 жылғы
9 маусымдағы N 175 бұйрығына
11-қосымша

Ескерту. Күші жойылды - ҚР Ішкі істер министрінің 2012.03.29 № 182 (алғаш ресми жарияланған күнінен бастап күнтізбелік он күн өткен соң қолданысқа енгізіледі) Бұйрығымен.

Қазақстан Республикасы
Әділет министрінің 2006 жылғы
9 маусымдағы N 175 бұйрығына
12-қосымша

Ескерту. Күші жойылды - ҚР Ішкі істер министрінің 2012.03.29 № 182 (алғаш ресми жарияланған күнінен бастап күнтізбелік он күн өткен соң қолданысқа енгізіледі) Бұйрығымен.